

Nemme jong

1.

A Liad für mei Geburtshaus, des es nemme gibt
Für äll de Wiesa, wo jetzt a Fahrbahn drüber liegt
A lied für d'Gaß auf der des Läba bassiert isch
Für des Freibad wo Du als Jonger gwesa bisch

2.

A Liad für mei altes Fahrrad, des war schwarz und schee
Ois, des fahrt heit gwieß koin Lausbub meh
A Liad für mei alte Schulclass 50 Kinder hämmer ghet
Und mir hän glernt obs glaubsch oder net

Refr.

Früher war alles andersch und des isch lang her
Halt de fescht an Deiner Erinnerong
Weil alt wirsch von selber, alles verblaßt no mehr ond mehr
Ond irgendwann bisch oifach nemme jong.

3.

A Liad für meine Leid, händ gschafft was mr ko
Und irgendwann kam dr Vatter mitm Audo o
Ons Junge hats gfreit, der erste Urlaub war schee
Mitm Käfer oin Dag am Ebnisee

4.

Ond a Liad für unseren Kaufmann, der hat alles ghet
Was mr als Bub so braucht und so gern hätt
Mohrakopf, Bäradreck und Bilder vom Winnetou
Echte Freind von näbao, ond Du ghörsch dazu!

Refr.

Früher war alles andersch und des isch lang her
Halt de fescht an Deiner Erinnerong
Weil alt wirsch von selber, alles verblaßt no mehr ond mehr
Ond irgendwann bisch oifach nemme jong.

Refr. 2

Was sind Sekunda, was sind Joahr, was isch Zeit?
War ebbes wichtig, was hat no Bestand?
Macht ebbes Sinn, vergoht net und was hoißt Ewigkeit?
Treffet mir ons wieder irgendwann?